



Na osnovu člana 119. Zakona o prostornom uređenju Kantona Sarajevo («Službene novine Kantona Sarajevo», br. 24/17 i 1/18) i člana 69. Statuta općine Centar Sarajevo – Prečišćeni tekst («Službene novine Kantona Sarajevo», broj 23/04), Općinski načelnik, objavljuje

JAVNI POZIV

stručnim licima za podnošenje prijava za tehnički pregled građevina

I

Pozivaju se zainteresovana fizička lica da podnesu prijave za tehnički pregled građevina za 2022. i 2023. godinu, u skladu sa Zakonom o prostornom uređenju ("Službene novine Kantona Sarajevo", br. 24/17 i 1/18), slijedećih struka:

- arhitektonske,
- građevinske,
- elektrotehničke,
- mašinske,
- saobraćajne,
- geodetske,
- zaštite od požara i eksplozije i zaštite na radu.

II

Tehnički pregled mogu vršiti samo diplomirani inženjeri navedenih struka, sa pet (5) godina radnog iskustva u struci i sa položenim stručnim ispitom.

III

Tehnički pregled ne mogu vršiti službena lica koja su učestvovala u postupku izdavanja lokacijske informacije, odnosno donošenja urbanističke saglasnosti i odobrenja za građenje, niti lica koja su učestvovala u izradi tehničke dokumentacije, reviziji glavnog ili izvedbenog projekta, gradnji i nadzoru nad gradnjom i nadležni inspektor koji je vršio nadzor nad gradnjom objekta i drugi inspektori i lica sa posebnim ovlaštenjima, u čijem su djelokrugu poslovi upravnog nadzora.

IV

Uz prijavu treba priložiti :

- ovjerenu kopiju diplome,
- ovjerenu kopiju uvjerenja o položenom stručnom ispitu,
- dokaz o radnom stažu nakon sticanja diplome (potvrda poduzeća, organa, ustanove ili dr. u kojoj je zaposlen-a, a neće se cijeliti fotokopija radne knjižice),
- kopiju lične karte,
- broj transakcijskog računa.

Dokumentaciju iz prethodnog stava dužna su dostaviti i lica koja su bila uvrštena na Listu lica koja ispunjavaju uslove za vršenje poslova tehničkog pregleda građevina za 2020. i 2021. godinu.

V

U slučaju postupanja suprotno odredbama zakona, rješenja o imenovanju ili dva puta zamjene narednim kandidatom sa liste, angažovano lice gubi pravo da vrši tehnički pregled građevina u tekućoj godini.

VI

Prijave sa dokazima o ispunjavanju uslova javnog poziva podnose se do 01.novembra 2021.godine, neposredno na protokol Općine ili putem pošte. Nepotpune ili prijave podnesene po proteku roka neće se razmatrati.

Prijave se dostavljaju na adresu:

OPĆINA CENTAR SARAJEVO
SLUŽBA ZA URBANIZAM I ZAŠTITU OKOLIŠA
ULICA MISS IRBY 1

Lista lica koja ispunjavaju uslove za vršenje tehničkog pregleda građevina primjenjivat će se od 01.01.2022.godine.